

Gvangjsih Minzcuz Bau

广西民族报 aenhauh okbanj: CN45-0036 B.2021 Nd.7 Ng.28 liggaueq sincouj nienz ndwenroek cibgouj

Baihguenjbanh:
Gvangjsih Bouxcuengh Swcigih
Minzcuz Cunghgyau Swvu
Veijyenzei
Biengauj okbanj:
Gvangjsih Minzcuz Bause
Geizsoq: Gungh daih 3484 geiz
Geiz neix 8 banj

Gaiq Daih 16 Cungguk—Dunghmungz Vwnzva Lundanz Youq Nanzningz Banh

第 16 届中国—东盟文化论坛在南宁举行

Ndwen 7 ngoenz 23, Gaiq Daih 16 Cungguk—Dunghmungz Vwnzva Lundanz youz Cungguk Vwnzva Caeuq Lijyouz Bu, Gvangjsih Bouxcuengh Swcigih Yinzminz Cwngfuj cawjbanh haenx youq Nanzningz banh.

Gaiq lundanz neix cawjdaez dwg “vwnzva canjnieb hwngfat youh ndei youh vaiq caeuq gozci gapguh”, muzdiz dwg doxgyau doigvangq gij gingniemh saedguh hwngfat vwnzva canjnieb Cungguk caeuq Dunghmungz gak guk, yaenglwnh gij byaijiengq caeuq diuzroen vwnzva canjnieb hwngfat youh ndei youh vaiq seizgeiz moq, bangdoi Cungguk caeuq Dunghmungz gak guk vwnzva canjnieb doengzcaez mwnhoengh, bangrenz cauhlaeb aen minghyinh caezcaemh Cungguk—

Dunghmungz engq gaenjdaet.

Ciuq cam rox, Gvangjsih gijndei vwnzva swhyenz yienhda, miz vwnzva byadah, vwnzva minzcuz, vwnzva lizsij, vwnzva souhlaux lai caeuq vwnzva gijgwn Lingjnanz daegbied gagmiz, lijmiz feihvuzciz vwnzva yizcanj fungfouq lai yiengh dem, seizneix miz “sam nyied sam Bouxcuengh”, yisuz aen dingzdingj Bouxcuengh, fwen Liuz Sanhcej daengj guekgya gaep feihvuzciz vwnzva yizcanj hanghmoeg 70 hangh. Gvangjsih gig yawjnaek hwngfat vwnzva canjnieb, okdaiz baenzroix cwngcwz vwnzgen haeujcoengh gajgwz hwngfat vwnzva canjnieb, cienmonz bienguh gij gviveh gajgwz hwngfat vwnzva “cibseiq haj” caeuq gij gviveh “cibseiq haj” hwngfat vwnzva canjnieb, vih

hwngfat vwnzva canjnieb caeuq doxgyau gapguh gunghawj cengidingj, roengzrengz aeu gijndei vwnzva swhyenz cienjvaq baenz gijndei hwngfat vwnzva canjnieb, doidoengh Gvangjsih vwnzva canjnieb saedyienh an’ onj cangqheiq hwngfat.

Cungguk—Dunghmungz vwnzva lundanz daengz neix gaenq banh baenz 15 gaiq. Gaiq lundanz neix dwg aen hozdung youq laj hingzseiq cangzdaiva fuengz binghraq banh baenz, doenggvaq comzgyonj gijndei hozdung, gwnz sienq laj sienq giethab daengj fuengsik, vih doidoengh Cungguk caeuq Dunghmungz guekgya youq seizgeiz binghraq gvaqlaeng vwnzva canjnieb hwngfat youh ndei youh vaiq caeuq gozci gapguh fatok le cozyung hung.

(Mwz YizfanZ Cagh Dingzdanh)

Yungzsuij: Douzbiuq Senj Yinzda Daibyauij

融水：票选人大代表

Ndwen 7 ngoenz 22, dwg ngoenz yinzda senjgawj vuenh gaiq Yungzsuij Myaucuz Swciyen. Myauz, Yauz, Dung daengj 39 fanh lai baux senjminz gak cuz, cungfaen hengz gij gienz minzcuj bonjfaenh, doenggvaq douzbiuq mbouj geiq mingz, faenbied bae daengz dieg douzbiuq douz mbaw biuq bonjfaenh, senj ok gaiq moq yienh yinzda daibyauij 257 baux, yanghcin yinzda daibyauij 1289 baux.

Gijvej genhvej aen yienh neix caeuq yinzda gihgvanh, cujizbu daengj danhvei gapbaenz aen cuj dukcaz, bae daengz mbanj cazyawj senjminz daengheiq, douzbiuq caeuq geiqbiuq daengj hothoh, yiemzmaed gamduk, baujmaenh vuenh gaiq seuqcingh, senj ok baux yinzminz daibyauij habhoz.

(Lungz Linzci)



Eu Hot Fwen Hawj Dangj Dingq

唱支山歌给党听

Bonjbauq siusik(gicej Cau Dwzfeih) Ndwen 7 ngoenz 24, gaiq daihbet comzyienj fwen ndei youq Gvangjsih Minzcuz Bozvuzgvanj Minzcuzcunh aen daizheiq caemhsim yienj. Hozdung dwg Gvangjsih Bouxcuengh Swcigih Vwnzva Caeuq Lijyouz Dingh, Gvangjsih Bouxcuengh Swcigih Minzcuz Cunghgyau Swvu Veijyenzei cawjbanh, Gvangjsih Minzcuz Bozvuzgvanj ciepbanh, cib baux canghfwen ndei doenggvaq Baksak, Liujcouh, Hozciz, gwnz muengx caeuq aen saigih bouxcoz nyezrauh daengj haj aen saigih senjleh caeuq lauxhangz bingzsaemj okdaej haenx caezcaemh hwnj daiz eu fwen.

Baez comzyienj neix yungh gij hingzvik yienjok miz cingzgingj, miz gojgaeq, gungh faen baenz “fwen haenh Mbanjcuengh” “hwnjguh roen vuenyungz” “ciengxlwenx riengz dangj byaij” sam aen biencieng, langhbaij gij yienghndei seizdaih moq vunzlai gak cuz yungh fwen haenh dangj, angq yiengjsouh ndwenngoenz ndei, caenh’ itbough gyalai gij rengz yingyangj ndawbiengz hozdung caeuq gij yauqik cienzboq vwnzva, doidoengh yenzgiu, baujhoh caeuq swnjcienz vwnzva minzcuz maenhndei, vih hwnjguh aen dieg ak lijyouz vwnzva minzcuz Gvangjsih okrengz.

Coenz Vah Siz Ginbingz

习语精读

Ginggvaq daengx dangj daengx guek gak cuz beksingq laebdaeb buekguh, raeuz saedyienh le aen moegbiu buekguh bak bi daih’ it, youq gaiq dieg Cunghvaz neix cienzmienh guhbaenz le siujganh sevei, gajgez le aen vwndiz cieddoi qungzhoj lizsij caengz miz gvaq, cingq haenqrengz yamq coh aen moegbiu buekguh bak bi daihngaih cienzmienh guhbaenz sevei cuji yendaiva guekgingz. Neix dwg gij miznaj hungmbwk Cunghvaz Minzcuz! Neix dwg gij miznaj hungmbwk Cunghgoz beksingq! Neix dwg gij miznaj hungmbwk Cunghgoz Gungcanjdangj!

——Gij gangjavah Siz Ginbingz youq Aen Hoih Angqhoh Cunghgoz Gungcanjdangj Laebbaenz 100 Hopbi

经过全党全国各族人民持续奋斗，我们实现了第一个百年奋斗目标，在中华大地上全面建成了小康社会，历史性地解决了绝对贫困问题，正在意气风发向着全面建成社会主义现代化强国的第二个百年奋斗目标迈进。这是中华民族的伟大光荣！这是中国人民的伟大光荣！这是中国共产党的伟大光荣！

——习近平在庆祝中国共产党成立100周年大会上的讲话